

Aðalfundur Vina Indlands 13. maí 2017

Skýrsla stjórnar

Aðalfundur félagsins var haldinn 15. maí 2016. Eftirfarandi voru kjörnir í stjórn félagsins: Sólveig Jónasdóttir, Sigurður M. Grétarsson, Albert Ólafsson, Sveinbjörg Rósa Sumarliðadóttir, Kjartan Jónsson, Særún Gréta Hermannsdóttir og Þórarinn Hjartarsson.

Helgina 21. og 22. maí tók félagið þátt í að halda sjálfboðaliðanámskeið hjá Múltíkúlti. Farið var yfir hugmyndfræðina á bak við starfið, kynnt starfsemi félaganna auk þess sem fjallað var um fyrirhugaða sjálfboðaliðaferð Múltíkúlti í sumar. Ekki varð þó næg þátttaka til þess af ferðinni yrði.

Þann níunda júlí stóð félagið fyrir styrktartónleikum á Café Rósenberg undir heitinu Indian summer. Þar spiluðu hljómsveitin Eva, tónlistarfólkið Árný og Sigurður Árnasbörn og Jóhanna Jakobsdóttir uppistandari.

Í ágúst komu Marco og Francesca frá systrasamtökum okkar á Ítalíu í stutta heimsókn til landsins og hittu meðal annars Vini Indlands.

Í nóvember kom Marco aftur til landsins og nú með Barböru sem m.a. vinnur á miðstöð systrasamtaka okkar í Róm. Þau héldu sjálfboðaliðanámskeið sem félagar okkar sóttu.

Indlandsheimsóknir. Kjartan fór til Indlands í febrúar 2016 og 2017. En auk þess var Krístrún Tinna Gunnarsdóttir á Indlandi á tímabilinu og heimsótti nokkur af þeim heimilum munaðarlausra barna og sinnti öðrum verkefnum sem Vinir Indlands eru að styrkja á Indlandi. Hún var dugleg að birta myndir og myndbönd sem m.a. var dreift á facebook síðu Vina Indlands og á heimasíðunni. Hún dreifði meðal annars sólarrafhlöðulömpum til heimilanna. Auk þess stóð Krístrún fyrir söfnun til þess að safna fyrir smálánakerfi sem hún startaði ásamt fleirum og er nú komið af stað. Vinir Indlands tóku ekki þátt í verkefninu með beinum hætti en margir félagar gerðu það og við munum fylgjast spennt með því í framtíðinni.

Þá hjálpuðu nokkrir félagar úr Vinum Indlands heimilinu okkar í Pasum Kudil að byggja stærra húsnæði með láni og verður það tekið í notkun í ágúst næstkomandi.

Reglulegir styrktarkvöldverðir hafa verið haldnir í vetur í miðstöð Múltíkúltí Barónsstíg 3. Styrktarkvöldverðirnir hafa verið mánaðarlega með tveimur undantekningum og hafa félögin Vinir Kenía og Vinir Indlands skipst á að skipuleggja þá og nota viðburðinn til söfnunar fyrir tiltekin verkefnum. Þau verkefni sem styrkt hafa verið eru meðal annars menntasjóður félagsins, auk þess sem fyrirhuguð ferð í ágúst var kynnt en hún verður farin 5.-20. ágúst og munu 11 manns taka þátt og verður heimili sem félagið styrkir í Pasum Kudil meðal annars heimsótt þar sem nýtt húsnæði verður opnað með formlegum hætti að þeim viðstöddum.

Félagið styður nú við um 80 börn beint í gegnum fósturoforeldraveknið en auk þess styðja fjölmargir ákveðin heimili beint og einnig fræðslumiðstöðvar. Styrktu börnin eru mestmegnis á fjórum heimilum og í nágrenni Chennai. Auk þess styður félagið við verkefni Alamelu en hún hjálpar konum og börnum að losna úr ánauð og hjálpuðu félagar úr Vinum Indlands henni m.a. að koma þaki yfir starfseminu. Nú eru mörg börn sem hafa verið að klára sinn síðasta vetur í skóla og eru komin með vinnu en við höfum þegar styrkt þó nokkur börn til háskólanáms sem hafa fengið góða vinnu. Langflest barnanna sem hljóta menntun í gegnum Vini Indlands styrkja sjálf önnur börn til mennta eftir að þau hafa sjálf fengið launaða vinnu.

Þá stóðu sjálfboðaliðar fyrir öflugri söfnun fyrir jólin sem börnin nutu góðs af.

Í gegnum menntaverkefni félagsins voru greidd skólagjöld fyrir 500 börn á 14 stöðum í Tamil Nadu í júní 2016.

Særún Gréta og Anton hafa verið óþreytandi í verkefnunum Máttur ruslsins en með flöskusöfnun styðja þau við ýmis verkefni bæði í Indlandi og Kenía. Meðal verkefna sem þau styrktu var sjálfshjálparmiðstöð Alamelu fyrir konur og börn sem hún aðstoðar við að losna úr ánauð og voru meðal annars keyptar saumavélar og efni. Þá fékk Blossom heimilið einnig vænan styrk til að kaupa borð, leikföng og spil.